

## AKCIJA LIFT

### Pronađeno 11 kilograma eksploziva

U akciji Lift policijski službenici Državne agencije za istrage i zaštitu (SIPA) pronašli su i privremeno oduzeli 11 kilograma eksploziva razne vrste i namjene, 29 pušaka, 34 pištolja, 4.771 komad municije raznog kalibra, 21 ručnu bombu, 4,7 kg baruta, 123 inicijalne kapisle za eksploziv, 40 kapisli za lovačke puške, jednu zolju, jednu granatu, jedan štapin za paljenje eksploziva dužine 100 metara i četiri štapina za paljenje eksploziva nepoznate dužine, 11 prigušivača i druge predmete.

Podsjećamo, policijski službenici SIPA su u ponedjeljak, u saradnji sa policijskim službenicima MUP-a Hercegovačko-neretvanskog kantona i MUP-a Kantona Sarajeva, realizirali operativnu akciju kodnog naziva Lift i uhapsili šest osoba. Nakon ispitivanja osumnjičenih za krijumčarenje oružja, tužilac Posebnog odjela za organizirani kriminal, privredni kriminal i korupciju Tužilaštva BiH uputio je prema Sudu BiH prijedlog za određivanje mjera pritvora za četiri osumnjičena i prijedlog za određivanje mjera zabrane za dvojicu osumnjičenih.



Prijedlog za određivanje mjere pritvora na trajanju od mjesec upućen je za Harisa Hodžića, Mustafu Šemića, Nikolu Pandžu i Muhameda Mehmetija.

Prijedlog za određivanje mjera zabrane upućen je za Mensada Sijarića i Maria Prcu.

Ove osobe sumnjiče se da su zajedno sa drugim njima poznatim osobama bile članovi organizovane kriminalne grupe, koja je tokom 2015. organizovano djelovala radi nabavke, prebacivanja i preprodaje oružja na području BiH, SR Njemačke i Republike Srbije, s ciljem pribavljanja protupravne imovinske koristi.

Navedene aktivnosti realizirane su po naredbama Tužilaštva BiH i Suda BiH. Poseban vid podrške pružila je Federalna uprava Civilne zaštite.